

者皆欲其為京堂南京堂即欲巡撫甫巡撫即欲卿貳若絕
無救民之意者夫可以救民莫過于巡撫其次則知府最急
知府賢則縣官不敢害民二者官有大小皆宜選擇破格而
用之以任而擢之也上是之

御史楊建烈劾順天巡撫岳和聲白馬關失事及賄受將吏
不問

叙畿輔平妖功保定巡撫張鳳翔進兵部左侍郎世錦衣百
戶天津督餉戶部左侍郎畢自嚴進右都御史魚戶部左侍
郎天津巡撫李邦華已陞任仍加俸一級各賜金三十幣二
來斯行等各遷賚有差時議天津二撫歸一命畢自嚴魚巡

撫

癸丑協理戎政左副都御史朱光祚進兵部

甲寅廣西道御史宋師襄論熊尚文病廢周應秋無骨袁可
立無功皆當去不去須之彥夤緣轉調呂純如傾害竇子偁
不當來而來上不問

御史張應辰劾何棟如盜餉八萬有奇闕臣梁之棟勘明逮
問在去年季冬迄今延飾何也

乙卯雲南地震

四川仁壽縣長山裂長七里衡三尺深不可測
復善安新興

十一月丁巳朔冬至上南郊還御皇極殿止宴貢使于左闕門
戊午御皇極殿受賀

慧妃范氏進封皇貴妃

己未推恩戚畹太子太保新城伯王昇進侯子錦衣指揮僉
事王國興進指揮同知從子國泰五千戶都督同知張國紀
進右都督指揮使王學段黃彘並都指揮僉事皇貴妃范氏
弟錦衣衛指揮僉事范守仁進都督同知守義指揮僉事葉
向高進上柱國兼支尚書俸廕尚寶司丞韓煥左柱國兼支
尚書俸廕中書舍人何宗彥孫承宗並進少傅兼太子太師
朱國禎顧秉謙朱延禧進少保兼太子太傅魏廣徵進太子

太保文淵閣大學士竝廕監

庚申右庶子唐大章改左庶子右諭德林欲楫為右庶子並
署坊印右諭德張廣為右庶子南京國子司業葉燦為左中
允編脩劉鴻訓起右中允
辛酉工部左右侍郎周應秋熊尚文俱予告

甲子刑部左侍郎喬允升為刑部尚書

保定巡撫兵部左將即張鳳翔回部署右侍郎事

監軍布政使謝存仁右叅議王鏐副總兵袁善會于普安一
日夜進八納山斬渠帥尹王保

乙丑慶陵饗殿成

丙寅推恩日講官鄭以偉錢象坤並禮部尚書兼翰林學士
協理詹事府趙秉忠進太子賓客二品服俸成基命為少詹
事兼侍讀學士姜逢元王祚遠竝左諭德兼侍講正字張邦
經改光祿少卿傳應星進禮部儀制員外郎王讚工部虞衡
員外郎餘如故

丁卯禮科左給事中魏大中言臣與同官彭汝楠辦事該科
有監生陳宗虞乞父子貞廕墜子貞官四品已蒙例子祭請
墜請蔭事屬違例且例所應得未嘗不叅考生平汝楠謂子
貞撫閩汎海之役開洋舉砲自焚厥師致疾沒而臣憶子貞
按閩時候官令以淫黷撫臣許孚遠劾之子貞薦之公論不

與政卹典條例所云例雖應得而行業無稱勳勞未著者也
予祭贈官已踰涯分可肆無厭之求耶章下所司

寧夏巡撫右副都御史李從心為兵部右侍郎兼右僉都御
史總督陝西三邊軍務

張國柱嗣安鄉伯

故河南巡撫右僉都御史李思孝贈兵部左侍郎

庚午萬壽節雨雪免朝

吏部請考選續至諸臣上命遵三年一考之例吏科都給事
中程註署河南道御史袁化中等奏明旨慎考誠當而停考
非空未聽

吏部尚書孫瑋進太子太保

甲戌慶成王敏謀薨長子求綸攝府事

陝西寨平諸番族羊加保等貢馬

初任子一品授中書舍人二品三品授五府都事各幕其五
府各幕三四年並遷主事員外郎獨中書九年滿考遷員外
郎中書舍人沈泰詠言其不平命以後俱五年序遷

哈喇慎部目朗素貴英糾三十六家挾賞謀犯中右所叅將
王極行邊至仙靈寺遇伏歿之兵部尚書趙彥請下督撫覈
所殺者革所賞治罪而後許之撫賞如故

乙亥貴州巡撫王三善出師抵大方賊走白兔大箐據險負

固佯乞降實求緩于各土司逆黨陳其愚妄邦彥兄邦俊之
以友目把中大猾也偽降三善輕信之與叅軍事又久居大
方欲群縣其地于是諸土司有狐兔之悲思助之矣

丙子禮科都給事中惠世揚為太常少卿

兵部尚書趙彥奏山海關總兵馬如龍報回師人云敵造西
之囉囉車三千餘輛傳衆牛鹿頭目每家作西違衣帽欲借
西路往喜峰臣等以敵既得志何嘗一日忘西窺之心令西
違罷守口稱兵挾賞而東報適至始知西違之款不可恃也
今關門有南北官兵十三四萬不為不多矣宜及時選銳以
某將為前鋒某為奇兵某為援兵皆責之衝鋒破敵又擇善

守者以其將為正兵守輜重其守關門其守隘口皆責之盡
地固守此分布兵馬之當豫者一也昔遼廣之失守絲人心
不固今關門三大將薊鎮二大將皆一昔人傑豈以忠義感
動大小將領上下固結俾人人知忠君報國之義此固結人
心之當豫者二也自有遼事以來人謂敵強我弱不知彼之
必勝者膽壯而力強我之不及者膽怯而力弱也五大將當
宣諭各官軍奮勇力戰共建奇功進而殺敵陞賞立至齊心
戮力何敵之不可破此鼓舞胆力之當豫者三也山海綏絡
固天設之險而三協各邊皆層巒疊嶂亦天之所限華裔者
其水口空缺其最衝其次衝令處處有備至喜峰口為入貢

大路敵所垂涎兵不滿于何恃以禦敵寧通州天津各調騎
步兩營各用南將領赴喜峰口防禦聽王威調遣又須三協
大將躬行調度中協則總兵王威移喜峰口西協則總兵孫
祖壽移古北口東協則副將移柘林界河口至明年二月終
而止此固守險隘之當豫者四也我欲知彼情形全在哨探
尖夜不可尋常泛差須擇志勇之士厚于身家十倍于營軍
仍給衣物則偵令結敵之左右敵之聚兵嘗在一月前某日
統領某技入犯先期探報我得扼險堵截哨探得實唯首功
陞賞以勵其後主薊鎮臺兵始于威繼先皆義烏北丁敵所
懾服而不敢動今改募北人成法盡廢當仍募南兵哨守庶

有倫而窺伺不生此哨探守臺之當豫者五也敵兵正銳
以力爭我兵未練當以計勝五大將各派兵分地堅壁固守
勿遽與交鋒設疑以擾之多方以亂之使進不得戰退無所
掠頃困數日銳氣漸衰乃潛師東渡五大將各分兵擊其惰
歸勿輕視予一擲關外之遼民象矣兵馬多矣戰守不可知
倘有潰散情景巖關不免動搖宜統寧前各屯堡有城堅糧
足及覺華島可以保守者量收斂其中固守勿戰以待大兵
堵截或屯堡不能盡容者可徐徐收入關內毋得驚惶以悞
人心此堅壁清野之當豫者六也三表五餌自古不絕惟在
我之兵力強盛撫賞得法舊賞不減新賞不增彼此相信內

外謐寧此撫北伐謀之當豫者七也毛文龍提孤軍于海島
牽制三年矣出奇設伏屢獲大捷亦敵之所畏朝鮮權國事
李倣以李瑄通敵為名攘奪其位今請命天朝願報効宣降
勅發登萊撫臣差捧至朝鮮令發兵數萬同毛文龍列營于
附近海島間不時出疑兵奇兵以擾之密加哨探伺彼動靜
如有過河即搗老巢以攻其必救此海外牽制之當豫者八
也上從之其李倣暫署國事下禮部即議

談遷曰樞部豫計非不犇然可行竟實效安在哉一條列
一題覆謂其職已盡此外任當事自為之不必問亦不
問也餘人皆然習紙上之績仇局中之規天下事不釀至

極清言所抵哉

督師大學士孫承宗以王樞失事誅逆將周繼武等十九人
因求免不許

丁丑吏科都給事中程註言天下最急莫如遠左而薊門其
咽喉也次莫如滇黔而偏沅其門戶也頃督臣王象乾以憂
聞銓臣議推補忽馬中止以樞輔躋躄尊重將議撤馬意謂
勦撫原自一局未有專操必無異議識者疑之但督撫得其
人未必不資樞輔之力若之何自撤藩蔽也偏沅總督已予
告而議尚未定或欲去督而專撫或欲去撫而專按臣然偏
沅有撫舊矣叢征播州以支可大後鎮後用江鐸事急則設

事平則止不獨固楚之圍而正以壯黔之援今黔中告急風
鶴皆驚數百里犢悍之苗非一中丞鎮撫其間何以恬然受
我戎索哉章下兵部

吏科給事中郝士膏言京堂添注太多晉陟無地計實俸滿
歲則放假回籍遇巡撫卿貳缺出拔才望而用之監司缺少
率虛占于例轉之官慢君命悞地方此不可訓也宜自命下
為始逾歲不任吏部徑作缺另補而本官仍請旨處分得旨
京堂填壅因推陞太多以後始例陞轉毋徇情濫推其方面
不到任即作缺另補不必一年

川師入龍場奢寅中創而遁擒奢崇明妻安氏弟崇輝及偽

大學士蔡金貴偽經略李偉偽左丞相張問極偽總督王承恩等斬千餘級

戊寅督理屯田太僕寺卿董應舉進右副都御史

巡按直隸御史潘雲翼言督臣王象乾以憂去請代朗素糾令各家時躑躅于關外聞其不受戎索人又皆歸咎于撫伏祈諭象乾仍安心料理俟得代面相揚摧方許離鎮從之已郊戶科給事中朱欽相請薊鎮據險脩邊其地形不外三等曰山梁曰平地曰水口在山梁宜剷崖削峰在平地宜掘溝開塹在水口宜安木城架火炮其守牆也不專恃牆而有險以衛牆其設險也不專恃險而依牆以據險上是之

巡按貴州御史侯恂言舊撫李標迫取安邦彥金盆事非實乃御史蔣允儀風聞之悞令允儀回奏允儀再疏詆標命廷臣議奏

朝鮮陪臣禮曹參判趙懺等進龍文簾席等入賀萬壽及冬至節賞賚如例

總督貴州兵部右侍郎楊述中免

壬午工部右侍郎蕭近高改左侍郎太僕寺卿高攀龍為刑部左侍郎大理寺卿饒位為工部右侍郎通政使吳用先為添設右侍郎督理門工

太常少卿王洽大僕卿程正己魏雲中左通政徐良彥為巡

撫右僉都御史冷浙江正已保定雲中寧夏良彥宣府
貴州巡撫王三善劾援黔總兵麻鎮援黔避粵借募侵餉這
留觀望致悞圍城上命逮之

保定巡撫張鳳翔言保定舊七營各不過千人練兵營則抽
各營二三百頭緒紛紜于是并為五營可裁僉書一真定亦
七營各不過千三四百人練車營則抽各營亦三五百亦頭
緒紛紜于是亦并為五營餘官皆裁每營中軍一把總領五
百人不設千總兵部咨到加銜官共二百四十餘員止考畱
九員上從之

甲申追封皇長子慈熒為懷冲太子

乙酉錄川貴搗巢解圍功進朱熒元右都御史兼兵部右侍
郎舊督楊述中陞俸一級進王三善兵部右侍郎兼右僉都
御史薛貞右副都御史餘進秩有差

恩廕諸大臣尚書吏部趙南星孫瑋戶部李宗延張經世禮
部林堯俞兵部趙彥刑部喬允升工部王舜鼎侍郎曹于汴
王圖戶部陳于廷禮部錢象坤周如磐張邦紀汪輝兵部李
瑾高第朱光祚李邦華工部周應秋熊尚文都御史鄭三俊
大理卿饒位太常卿洪世俊胡克儉胡世賞侯執蒲林熙春
盧大中曹珍太僕卿黃運泰程紹饒伸柳佐王之寀丁啓濬
光祿卿洪翼聖何喬遠郝名宦李本固南京尚書沈懃炳侍

部蕭近高太僕卿董應舉光祿卿魏時舉並得廢准送文選
司

十二月丙戌朔遼東巡撫張鳳翼言今日請勅該部以收拾人
心為第一義遼官無祿者准舊餉補支遼士無歸者准前衛
設官署事遼人陷敵求還者准撫賞內齊贖凡指揮千百戶
文武生童及各被掠男婦行關內關外寧前各道查明安置
更慨發軍需以資急用原設遼東每年馬價求查發市馬從
之
秦寧三衛炒克等貢馬頒賞衣段靴襪至是亟求折價禮部
為請從之

工科左給事中楊維新言屯田董應舉報收紅白稻一萬五
千餘石今關外缺餉當本色抵新餉聊濟斗米四錢之厄從
之

丁亥貴州巡撫王三善會師十萬于明宗渡分五路道臣岳
具仰等監之值賊敗之追渡河復渡烏江七戰皆捷

戊子御史蔣允儀巡按陝西魏光緒巡按山東高推巡視京
營

己丑辰刻金星順行晝見于寅位

故應天巡撫右僉都御史王象恒浙江巡撫右僉都御史劉
一焜其子竝乞祭葬部覆許之禮科左給事中魏大中言僉

都御史四品會典無予莖之例上命停給

戶科給事中朱欽相議裁登撫名孫宗承暫歸歲一巡行以
警動將吏四十七年以前逋負盡與民蠲免盜餉如陶朗先
何棟如梁之垣等駐私巨萬絕不見分毫宜行撫按嚴追上
以輔臣需名不得輕言餘俟部議

命黜國公沐昌祚協撫按飭理其孫啓元母預兵事初巡撫
閔洪學言援黔屢命一日沐昌祚再曰沐啓元臣見昌祚旣
鎮之日久矣持重是其所長據鞍累革有其心不必有其力
似朝論倚之太重屬望過殷也啓元一穉妾人耳軍國何事
而輕以付之二月邸報得沐啓元援黔之旨鎮臣蹙然曰必

用啓元事將大壞巡按羅汝元亦言之故有是命

庚寅刑部右侍郎牛應元為左侍郎

辛卯董應舉進右副都御史督理順天屯田上言屯田其難
十倍其利亦十倍何也收而安插遼民是欲藉遼民以屯也
屯于直隸天津至山海是為京師護左臂也藉遼力以屯是
以賑救當召募不虛費其銀于賑為京師護左臂是以屯政
寓政令不別費其銀于募比之古將帥屯田有兵可用者其
難十倍若成功其利亦十倍何也救流民使不生亂一也左
臂厚京師益安二也溝田槎牙因成地網列樹參差胡騎不
得長驅三也農隙講武壯聲遠暢敵或弭心四也關兵弱脆

居民惶駭有屯助其聲勢安固其心五也于屯田處鼎錯敵臺
寇至則入保烽火相屬易達京師六也屯衆收多米草之價
自平國餉不匱七也漕運艱難屯田稔歲令漕民就糴可省
其疲八也民不疲勞天下不亂九也屯事既成用不募之兵
因不漕之粟人不畏敵兵不虞飢進可戰退可守十也此如
何功力而令臣不才任之乎臣聞忠臣受任必計成功老成
畧國必慮大費今以遼民數十萬鬻妻子接衣食其情至慘
一聞安插之令所在擁集其費必大安插一户須土室牛種
田器穀食皆具而後可耕二百家一敵臺大小相錯兵械必
具而後可收保有耕作之資而無收保之所寇至棄之屯事

不成故欲得其利必督其功欲督其功必給其費不知朝廷
有以應此乎有以應而後臣敢任無以應集者 置置必亂
臣將無以自明臣不敢任也且既有屯田御史又以昇臣一
柄兩操遼民既有經略總督請賑又命臣安插一民兩恤安
插之事須與郡邑相關衙門新設必有分任之官聽用之人
俸糧工食于何處給察地供糧于何責成一有阻格勢必難
行權不能行之郡邑臣亦不敢任也今臣受命候勅候關防
則種期已過必須給食至明年夏所費益衆私計安插遼民
一萬農房牛種器械敵臺須五萬餘兩月給穀食至明年麥
熟而止亦須五萬石安插二萬須二十萬有奇明夏以後麥

米自給乃可省此而籽粒猶不能入官後年秋夏熟乃可計
畝輸糧輸稿秸爲關餉用朝廷費二十萬銀兩待輸于兩
年之後議者必以爲遲臣能終其事乎臣愚欲十家爲保保
有保長十保爲聚聚有聚長十聚爲連連有連長四連爲帥
帥有帥長而後統以屯田分司歲一課殿其有作奸藏奸鼓
衆煽亂寇至不入保入保不嚴守者須用旗牌行法又須立
中軍叅將守備把總等官乃有次第法可施行否則臣亦不
敢任也

客氏及太監王體乾宋晉魏進忠梁棟史賓張文元李實王
朝忠劉應坤安進各世錦衣指揮僉事

前江西副使陳幼學爲南京光祿少卿

尋甸知府周仕國進苑馬少卿署雲南府事

壬辰孫承宗言今當裁經略仍以兩撫主之總督時一問焉
臣當罷遣如不欲臣離關請且不推經略不推總督以臣督
兩撫以防欺撫臣居密雲居寧前又言登撫未可遽裁登鎮
仍當早計上是之

癸巳登萊總兵沈有容罷以楊肇基代之即裁東兗總兵設
叅將

禮部尚書林堯俞言朝鮮李倧乞先頒勅令登萊撫臣遣官
同陪臣至其國令受王號仍發餉資毛文龍恢復有緒始遣

大臣持節冊封庶幾字小之仁不失固圉之道從之

談遷曰李侗弑叔既不能討又封殖之非制也設高皇帝時閉關絕使必矣建州逆命若拒三韓之好勢且淪入于建又計之左也力不並其權從其請非窺隙而有所動乎甲午勅華陽王至德鈐束諸宗以專城男居且漸近蠻洞故也

延安督糧同知改捕盜衛駐黃龍山

吏部右侍郎曹于汴予告

禮部左侍郎李騰芳改吏部光祿卿何喬遠爲通政使太常卿林熙春爲大理寺卿

錦衣左都督駱思恭廕百戶以緝奸功

錄延綏甘肅寧夏功文武臣楊應聘等二百九人臧爾勸等二十四人祈伯裕等百八十八人陞賞廕恤甘肅巡撫進太子太保廕錦衣正千戶巡撫徐養量進南京兵部尚書攝左侍郎事廕副千戶並世襲甘肅總兵李懷信進左都督需用世副千戶先後總督楊應聘原廕錦衣副千戶今進指揮同知劉敏完進太子太保需召原廕正千戶加一級李起元進太子太保世指揮僉事陝西巡撫金忠士原廕錦衣指揮僉事加一級陝西總兵官秉忠原廕本衛正千戶加一級寧夏巡撫臧爾勸進兵部左侍郎廕錦衣百戶總兵蕭如薰贈都督

同知世本衛百戶先後兵部尚書崔景榮進太子太保原歷
錦衣副千戶加一級黃嘉善進少保原歷錦衣正千戶加一
級張鶴鳴進太子太傅原歷錦衣正千戶加一級並世襲餘
叙錄有差

乙未協理京營兵部侍郎朱先祚遵旨請改勅章先是京營
設兩協理一侍郎一副都御史及協理缺廷推副都御史朱
先祚為侍郎陳道亨為副都御史各協理上改道亨別用故
光祚以新銜改勅約右副都御史勅協理戎政都察院關防
丙申江西道御史高推論舊樞黃嘉善張鶴鳴失事狀今延
綏叙捷世廕何計而處此上不問

南京御史陳本言滕縣妖盜後有數千人歸里有司猶苛求
之致數千人攘臂而去宜申招撫之令黔蜀之難將官掠子
女相遺宜定劫掠之罪章下所司

恩典及錦衣衛官駱思恭進少傅兼太子太傅王世盛都督
僉事李不矜都指揮同知史世載都指揮僉事楊汝敏指揮
使俱仍任進張懋忠右都督楊汝華都指揮同知俱僉書張
道濬指揮同知吳堯年都指揮同知沈光裕都指揮僉事劉
僑都指揮同知各仍任萬邦孚都指揮僉事南鎮撫司僉書
工部右侍郎蕭近高予告

丁酉吏科給事中許譽卿言年來爵廕太輕紀綱日替兩朝

登極皇子誕生三品京官以上人人延廕至錦衣世襲非軍功不得而今保母閹尹之流紛紛傳奉兵部不敢執爭故曰爵廕太輕也奪官餉半出于逆兵脅柱史即起于轄卒所尤異者內監李實之叅楊姜也實雖奉勅督造欲五品府官使首姜必不甘實疏入則有提問之旨撫按疏入則有庇護之旨故曰紀綱日替也上欲重譴譽卿以輔臣揭救奪俸半年戊戌京師地再震

己亥陝西魯班七寺喇嘛僧林鎮桑卜入貢方物初韓城妖人劉買得幼時左臂有痕自云團龍因糾黨署偽官巡按御史高弘圖捕獲之又盤屋鄆縣妖人俱擒巡撫孫

居相上其事命叙撫按呂兆熊高弘圖等

庚子黃立極徐光啟為禮部右侍郎充纂脩副總裁右庶子林欲楫右諭德李標右中允楊景辰理詰勅

辛丑兵部尚書趙彥言開路通滇之宜封疆之事議創不如議因闢新不如闢舊漢諸葛亮南征雍閬由越窩入而五月渡瀘者即建昌路也又按輿圖自四川雅州入雲南省城驛站相距餘于百里者無幾不過添驛遞四五所而不足于百里者更相其山川之險易人居之密疎以增郵役請除部餉六萬為建昌開路費從之

壬寅立春順天尹進春上御皇極殿受賀

癸卯陝西上已籩族及鋒鉄城諸族番人焦吉巴等貢馬刀

甲

乙巳諭封李倬朝鮮國王先命登撫遣官同陪臣賈賜候事
寧專使

丙午南京戶部尚書兼右都御史王永予告

撫治鄖陽右僉都御史蔡復一劾四川募兵援黔知縣戴文
箕領兵都司胡文選馬倫守備饒啟祚驛驛淫掠命訊之
逐妖人宋明時初譚謙益以異才薦兵部行薊督驗試適朗
素挾賞令試之設壇練士凡三七日謂不宜興戎失款隨改
祝文潛消之後朗素退任功且云朗素法斃不久在立春竟

之恙兵部請寘于法上命逐之

談遷曰古未有符咒藏教者當其妄薦即宜移郊逐之外
以嚴大道本兵不之察猶冀一割始請寘法僥倖寧誠安
在為用人哉

丁未封成妃李氏

浙直江西地震

己酉總督貴州兵部左侍郎楊述中奏巡撫王三善入巢屢
捷安邦彥奢寅僅以身免首功萬八千餘級械畜止算官軍
行過河上悅諭戶部勞吏卒三萬金
廷議以督輔在停總督惟偏沅仍巡撫及按臣督餉從之

薊遼總督王象乾言兩年撫賞共金三十二萬六千九百有奇視舊歲額二十萬爲減且求去命候代

庚戌補故兵部員外郎楊繼盛諭塋以保定巡撫張鳳翔請之

命太監魏忠賢總督東廠

辛亥王三善自引兵克金銀山時寇援已集而三善師老食盡

壬子大季士葉向高一品六年考滿韓爌一品考滿三年進向高上柱國太傅詹尚寶司丞爌左柱國詹中書舍人並兼尚書俸

乙卯祫祭太廟

黎維祺襲安南都統使初黎維新千萬曆己未年必維祺僅十三齡政在衆目至是遣官請襲

是歲天下戶九百八十三萬五千四百二十六口五千一百六十萬五千四百五十九田七百四十七萬九千三百十九頃八十三畝有奇米二千一百四十九萬三千五百六十三石一斗有奇

甲子天啟四年

正月丙辰朔御皇極門內殿受賀

戊午貴州巡撫王三善以大方餉盡議班師陳其愚輸情于

賊私樹標馬賊急追之副總兵秦民屏被殺秦佐明祚明突
圍出賊勢復張

己未葉尙高韓燿燁新命

庚申己刻天津三衛地震有聲

御史黃尊素言余懋衡曹于汴陪推蒙點相繼拂衣于是劉
宗周怡引于先饒位堅請于後此皆數十年之培養老成不
可不惜也

辛酉上享太廟

癸亥王三善至梅家海賊大至三善獨保一山賊退始至內
莊

御史王業浩請補高祖故南京尚書王華贈諡不許

甲子始日講

乙丑王三善兵敗于鴨池自刎不以羅鬼執之不屈遇害初
賊僞款至是畢至圍之官軍不相顧遂潰監軍岳具仰同知
方明棟梁思泰守備田有龍並沒三善永城人崇禎初贈兵
部尚書廕錦衣千戶立祠賜祭葬

丁卯戶部右侍郎陳于廷改吏部禮部右侍郎南師仲為左
侍郎協理產事府右侍郎溫體仁泣伏部兵部右侍郎高第
為左侍郎太常少卿楊鶴為右僉都御史巡撫南贛
馮從吾為南京右都御史

大季士葉向高言添註一事祇因皇祖昔遷謫過多皇考與
皇上盡行收召人浮于官勢不得不出于此頃科道屢言將
添註遽停夫添註既停則京堂之壅滯愈甚言者欲令其請
假引疾此于政體實為不平何也諸臣雖年力才品不同其
遠者皆沉淪摧抑二三十年近亦累資而得今諸臣之起不
二三年其至九卿八座者僅數人而鄒元標鍾羽正馮從吾
輩又不究其用以去所存無幾奈何又生厭薄欲一舉而空
之也命仍之

戊辰詹事黃士俊為禮部右侍郎仍兼侍讀季士協理詹事
府少詹事施鳳來為詹事右庶子兼侍讀林欲楫為少詹事

兼侍讀季士同禮部右侍郎黃立極直經筵

己巳協理詹事府禮部右侍郎黃立極充實錄副總裁右中
允楊景辰撰誥勅

庚午少傅兼太子大傅戶部尚書武英殿大學士何宗彥卒
金谿人籍隨州萬曆乙未進士館選授 歷今官持正屹

屹見稱于時贈太傅諡文毅

巡按廣西御史賈毓祥言粵西之患有三曰交寇曰土司曰
猺獞見設之兵餉但防猺獞而交寇土司不與焉今交寇擅
兵蚕食思陵邊隆諸土司逼我上石西太平思明侵地
計二百七十二村矣水西之變泗城南丹陰通安酋思

州不受調犛獍伺掠賓州八寨爲羣盜根株土舍名爲我用
實相窺隙宜相度險要增兵防守而後可章下兵部令撫按
勘奏

福建道御史李應昇言賞罰不明皇上試問罪璫遣而謾書
入者何人馬上催而三路敗者何人貪殘激變而遺患黔蜀
者何人賄脫盜庫而一網善類者何人即今劉朝斥死而天
下之爲劉朝者甚衆賞罰倒置逆黨漏網母乃以護紅丸之
故護風癩以輕封疆之故輕爵廢乎上責其泛

壬申御史崔奇觀劾漳南道副使程再伊聽副將張嘉策受
紅夷三萬金許彭湖互市

癸酉庶吉士授官方逢年劉必達陳具慶倪元璠黃道周為
編脩張士範謝德溥張四知王鐸鄭之玄屈可伸徐時泰王
啓元朱之俊陳盟孫之澣文安之李明睿許士柔黃錦為簡
討楊夢蛟劉先春王鳴玉杜三策陳維新為科給事中楊
玉珂梁元柱爲御史

上筮籙諸族番人滄中入貢馬及方物

左都御史孫瑋上言五事申臺綱重巡城釐陋規御史非奉
旨會薦不得濫舉市恩御史欲誦盜防奸必先嚴行保甲報
可

甲戌貴州巡按御史侯恂言兩河失利初王三善奮戈解圍

軍聲大振以為懼鬼技止此耳不無輕敵之心又念餉匱利
于速戰于是決意進兵一出陸廣以總兵劉超建旗鼓楊明
楷李世將隸馬漢土兵共三萬都清道僉事楊世賞監之一
出鴨池以總兵張彥芳建旗鼓黃運清秦民屏隸馬漢土兵
共三萬貴寧道副使何天麒監之一出黃沙渡以都司藍補
家統盧光祖合廣西之兵分道搗勦撫臣謂敵在目中兵豈
意狡賊甚衆驅飢卒而摧強寇致有意外也三路惟黃沙渡
全師撤回陸廣連捷斬二千七百餘級因糧不繼獨山州土
官蒙詔受賄先逃官兵爭北渡河輜重盡棄是役也楊明楷
被執不屈諸將姚旺等二十七人力戰死官兵亡三千人賊

尋攻鴨池初殺傷相當秦民屏既以石砮部下游擊軍宏化
藉口枵腹糾衆回回衝殺官兵百餘人餘盡潰去此臣確核
最悉也因分督撫道將罪狀

乙亥通政使何喬遠請老進戶部右侍郎

貴州道御史張爌言兵部添設二侍郎當裁湖廣巡按當增
下吏部

左副都御史喬應甲應召道奏東林黨魁李三才藉黃正賓
汪文言交通趙南星高攀龍等力爲引援上是之

丙子太僕寺卿丁啓濬引疾去

山東道御史黃尊素言科道之設惟參駁糾彈各有司存自

東事告急輒薦舉邊才單詔一頒廣開起廢于是有乞憐徑
請有託介求容而人遂相沿薦舉之常夫獨不知科道之職
掌乎請尚方之劍吾責也發蒲輪之徵非吾責也漏吞舟之
網吾責也賦招隱之章非吾責也上是之

丁丑工部右侍郎饒位致仕

故人王好賢從徐鴻儒而逃至是獲誅初深州王森以救妖
狐狐斷尾令藏之人聞異香多歸附號聞香教森歿遺貲巨
萬子好賢藉其貲以結客與景州于弘志通密約徐鴻儒三
方同起而鴻儒以他事先發

戊寅右庶子張廣改左庶子右諭德丁紹軾李康先李標為

右庶子右中允錢謙益為左諭德各兼侍讀右贊善孟紹虞
曾楚卿為司經局洗馬兼脩撰簡討馮銓為右贊善兼簡討
兵部侍郎張鳳翔孫翕之廕錦衣衛百戶

刑部左侍郎牛應元予告

蘇州府同知楊姜削籍以織監李寶奏其擅減袍服得嚴旨
巡撫周起元言姜守官清正特謁織監不行屬禮亡罪被誣
竟奪職起元之禍蘖矣

刑科給事中解學龍請脩正史言史家之體有編年祖之春
秋紀傳本之三傳我朝列聖實錄祇昉編年而事之首尾不
相貫人之本末不可知况乎革除土木至今公案未定其間

一姓通承委裘無恙乃操觚者拘其忌諱致令恭稽尚仍夫
盡簡祇為齟舛何以傳信至家乘野書皆得以肆其私筆寧
非聖朝一大闕事哉今宜開局纂脩正史刻期告成顧所以
成之者有三曰蒐其人曰萃其書曰督其程上命實錄成議
之

甘肅松首銀定思復故巢謀犯松山西寧道馮任叅將李維
新邀之大明沙斬六十五級

己卯太常少卿鄒德泳為右通政江西叅政朱萬春為太僕
少卿

辛巳吏部推鄒元標南京吏部尚書不聽以鄭三俊為戶部

右侍郎時與元標同推獨用

南京兵部右侍郎陳長祚改左侍郎南京太僕卿周汝登為
通政使大理右少卿王遠宜為太常寺卿工部右侍郎吳用
先改兵部兼右僉都御史總督宣大山西軍務

南京刑部主事樊玉衡致仕進太僕少卿

大學士葉向高請召還脩撰文震孟庶吉士鄭鄴給事中毛
士龍侯震暘熊德陽御史江秉謙賈繼春不許

工部尚書王舜鼎言各鎮器甲自造不得專乞京庫虛其根
本從之時薊撫樂和聲總兵王威各求發京庫

裁施歸兵備僉事